

爾

雅

稗

疏

爾雅稗疏卷三

江陰繆楷嘯仙述

釋草

椴木董槻木董樊云別二名也其樹如李其華朝生暮落
與草同氣故在草中楷案樊說非也當本是釋木文錯簡
在此耳

楊枹薊郭云似薊而肥大今呼之馬薊楷案郭注下文赤
枹薊云卽上枹薊是枹薊卽赤薊小徐說文繫傳以爲卽
今赤朮是也楊之言陽赤色之稱也詩七月我朱孔陽釋
木楊蒲柳陸璣詩疏謂蒲柳有兩種皮正青者曰小楊其

一種皮紅者曰大楊是楊柳本以皮紅得名而皮青者亦名之也楊柳以皮紅得名故赤色之朮因借以爲名廣雅赤銅謂之錫玉篇鰲赤鱺也並音同而義通

菴虎杖郭云似紅草而麤大有細刺可以染赤楷案菴杜古音皆與赭近說文赭赤土也故赤棠曰杜紅草曰菴矣荀竹萌郭云初生者楷案荀與尹音相近下文菴笋釋文引謝音私尹反卽讀如荀也記聘義孚尹旁達鄭注尹讀如竹箭之筠筠卽荀也書顧命敷重荀席鄭注荀析竹青皮也引禮記云如竹箭之有筠鄭以記之筠解書之荀是

筠卽筍也鄭又謂尹謂如竹箭之筠是尹亦筍也尹亦筍故後人加竹而爲筍廣韻旣列筍又列笋云俗干祿字書列筍笋二字云上通下正五經文字筍俗作笋訛是也郭注下文蘼笋云今俗呼草木華初生者爲笋笋與尹同華之初生者謂之笋竹之初生者謂之尹其義一也

簞竹李云竹節相去一丈爲簞孫云竹濶節者曰簞郭云竹別名儀禮曰簞在建鼓之間謂簞管之屬楷案說文簞大竹也書禹貢鄭注漢書地理志顏注西京賦薛注皆同是簞爲竹中之一種非竹皆名簞也大射儀簞在建鼓之

閒鄭注蕩竹也謂笙簫之屬此蓋謂笙簫之屬以蕩竹爲之故因稱簫爲蕩猶矢以箭竹爲之因稱矢爲箭也爾雅爲正名之書不當以竹釋蕩疑竹字上有脫文郭引儀禮以證蕩爲竹別名恐非

經履郭云未詳翟灝云儀禮喪服傳苴經者麻之有蕢者也牡麻經者晁麻也廢麻晁麻均別見後而此特以經言乃專釋其已爲人所治用之名也履亦治麻爲之故并相釋楷案翟據喪服傳爲說然彼兩言經自是各用一物此一言經豈得兼指二物乎其說似是而非也疑經者經字

之誤文說文絰細布也絰纒屬也細者爲絰粗者爲紵紵本麻名因之紵所織之布亦名紵絰亦當同例漢書景十三王傳絲王閩侯亦遺建荃葛荃與絰同服虔注荃細葛也顏師古注引許慎云荃細布也字本作絰蓋今南方筭布之屬皆爲荃也是絰本爲細葛之名而其所織之布因名絰有明證也疑此卽其物

蒹芋熒郭云未詳稽案熒卽上熒委菱之熒芋熒蓋赤華之熒一物而異名也芋之言荃也說文經赤色也或作蘋或作荃芋與荃皆从丁故通用中山經熊耳之山有草焉

其狀如蘇而赤華名曰葶薺畢沅說疑卽此苧熒是苧熒之華赤葶薺卽苧熒之聲近字委萎華青苧熒華赤故別其名蒹之言煦也說文煦赤貌是蒹亦赤義也

淦蔦郭云今澤蔦楷案廣雅輸寫也淦之爲蔦猶輸之爲寫也澤瀉之名卽由此義劉向九歎筐澤瀉以豹鞞兮澤瀉與澤蔦同

紅龍古其大者藟藟齊實錢大昕云說文藟藟實也許所見本當是藟在藟上藟爲藟實則藟爲龍古之大者矣藟卽差字龍古葉大下垂有參差之象楷案錢說非也藟音

同魁廣雅魁大也紅之大者謂之藟猶芋根之大謂之芋魁也文選魯靈光殿賦序靈光巋然獨存張載注巋然高大堅固貌也歸亦與歸同錢以差義申許何勿以歸音正許乎

廢臬實孫云廢麻子也郭云禮記曰苴麻之有廢楷案廢之言肥也說文正篆作𦉰或體作𦉱𦉲與廢同賁肥一聲之轉故二體通作漢書地理志襄賁英布傳中大夫賁赫應劭顏師古注竝云賁音肥書禹貢厥土黑墳馬融注墳有膏肥也是从賁之字卽有肥義廢之从賁與从肥同麻

子最肥潤故以麇名焉

王念孫以麇通蕘爲實貌桂馥據月令注麻子有文理謂文貌存參

蒼牛藻郭云似藻葉大江東呼爲馬藻楷案凡草木之以牛馬名者皆以其大稱之也故名牛者亦可名馬上文菱牛蕘注云今馬蕘釋木終牛棘注云卽馬棘是也蒼之言君也亦言大也釋詁天帝皇后碑公君也邢疏引尸子廣澤篇云天帝皇后碑公皆大也是君有大義說文頽頭頽頽大也高說注呂覽序意篇淮南天文篇竝云涪大也頽與涪皆與蒼音義同陸璣詩疏謂藻有二種其一種葉如雞蘇莖大如箸長四五尺其一種莖大如釵股葉如蓬蒿

謂之聚藻陸所言前一種卽此所謂牛藻也所言後一種卽俗所謂蒹草也郝疏以前一種爲馬藻後一種爲牛藻分一藻而二之而又以莖大如釵股者當牛藻於是牛藻之類與名皆失矣

莖萐蓋孫云青州曰莖郭云覆盆也實似莓而小亦可食稽案莖與萐蓋皆取人身以爲名也說文奎兩髀之間莖與奎通素問氣府論缺盆各一王冰注缺盆穴名也在肩上橫骨陷者中萐蓋與缺盆同說文正作缺盆

肩戎葵郭云今蜀葵也郝懿行云蜀葵似葵而高大戎蜀

皆大之名或名吳葵胡吳亦皆謂大也楷案肩亦謂大也

肩俗字本作肩詩獸三歲曰肩

鄭注大司馬四歲曰肩

大獸謂之肩

故大葵謂之肩矣

苧麻母郭云苧麻盛子者楷案上文廣泉實注云禮記曰

苧麻之有廣是廣為麻子苧即有廣之麻矣苧者字也釋

文云本又作字是也說文字乳也即名義所出史記平準

書有馬阡陌之間成羣而乘字牝者字謂母馬也玉篇牝

母牛也廣雅吳羊其牝一歲曰牝牝謂母羊也母馬謂之

字母牛謂之牝母羊亦謂之牝母麻謂之苧其義一也

權黃華郭云今謂牛芸草爲黃華華黃葉似葍藿楷案說
文權黃華木與此異者蓋權本黃華木之名因牛芸草亦
黃華故名之也權與齠聲相近權之爲齠與糴之爲糴同
例釋獸狸狐獠狒說廣雅齠黃也釋蟲蠶與父守瓜郭注
今瓜中黃甲小蟲蠶亦與齠聲義近也

鈎藤姑郭云鈎瓠也一名王瓜實如瓠瓜正赤味苦楷案
鈎下當本有瓠字廣雅藤姑瓠瓠王瓜也釋文引字林瓠
瓠王瓜也瓠與鈎同無單稱鈎者鈎瓠疊韻字象實圓滿
之形也山之頂曰峒嶼人之背曰侑僂車之弓曰枸篋竝

字異而義同倒言之曰僂句昭二十五年左傳竊其寶龜
僂句亦以龜背之形圓滿也觀郭注是所據已脫

赤袍薊郭云卽上袍薊楷案以前後文例求之當作袍赤
薊方合赤袍二字蓋誤倒

菟奚穎凍中馗菌小者菌舍人本中馗作中鳩云菟奚名
穎凍穎凍名中鳩郭云穎凍款凍也紫赤華生水中中馗
菌地尊也似蓋今江東名爲土菌亦曰馗厨可啖之小者
菌大小異名楷案郭讀與舍人讀不同以二注參之舍人
是也穎凍一名中馗馗與葵通邢疏引唐本草注葉似葵

而大卽中葵所由名也鳩則形近之誤但舍人所據本顛
凍下當疊顛凍二字故注云菟奚名顛凍顛凍名中鳩猶
上文唐蒙女蘿女蘿菟絲舍人注謂唐蒙名女蘿女蘿又
名菟絲也經凡別三名者必疊一名如下文芣苢馬舄馬
舄車前亦其例郭本脫去二字遂以中馗下屬非也菌小
者菌者文義不愾亦有脫誤經例凡言小者皆別於大者
之辭如云菌小者菌則大小無別矣釋蟲蚍蜉大蠓小者
蠓以彼爲例則當云某大菌小者菌釋魚蝟蟻小者蝟
小者玼以彼爲例則當云某小者菌今與二例皆不合顯

非原文如此可知郝疏致疑遂據說文菌地蕈也訂郭注地蕈二字爲正文其說似矣然小者菌之菌仍屬難通司馬彪注莊子逍遙遊篇云菌大芝也則菌非小者之名矣攷釋文載上菌字作藟云本今作菌疑卽下菌字之駁文不知何字之誤又不知何時誤脫日旁并與上菌字混而無別陸并於上菌字亦作藟展轉貽誤致使此文終古不可解也

茸小葉郭云未聞釋文云茸本或作藟邵晉涵云說文云藟麻蒸也管子地員篇謂麻之細者如蒸細卽小也藟爲

小葉之麻所以別於山麻也稽案邵據或本敢字爲說非也葍敢音義迥別廣韻敢字側鳩切在尤部云草名又矢之善者引說文曰麻蒸也一曰葍也不引爾雅葍字陟葉切在葉部引爾雅云云張參五經文字草部列敢字云側雷反又才工反見春秋傳又列葍字云音輒見爾雅二字分別甚明或本作敢乃是字誤不當依之爲說敢爲小葉之草與麻蒸無涉廣韻楓木小葉草之小葉者謂之葍木之小葉者謂之楓名義正相同矣又云霏霏小雨偈佩小人貌霏與佩亦與葍音義同

黃華蓴楷案說文蓴苕之黃華也本此蓴與騾音相同說
文騾黃馬發白色一曰白髦尾也騾兼黃白二義故苕之
黃華謂之蓴葦之白華亦謂之蓴下文蓴苕茶是也蓴之
亦言皜也玉篇皜白色是也又鬢髮白貌說文縹帛青白
色也釋名土白曰漂漂輕飛散也竝字異而義同

蘘從水生郭云生於水中釋文云蘘草生江水中郝懿行
云水草交曰湄詩借作麋與蘘聲同非草名也楷案蘘非
草名何以列於釋草中郝說非也蓋水草交曰蘘因之水
邊所生之草亦曰蘘不必定在江水中也陸說亦誤

薇垂水郭云生於水邊釋文云顧云水邊生故曰垂水楷
案薇本山菜詩草蟲言陟彼南山言采其薇四月詩言山
有蕨薇史記伯夷傳言陟彼西山兮采其薇兮皆可證陸
璣詩疏謂薇山茶也是也今云垂水則名與義相反矣疑
薇者薇字之誤古从竹之字多誤从艸如節爲節藥爲藥
見干祿等爲等符爲符見五經文字皆是說文薇竹也薇之言

微也當是細小之竹竹性喜濕故細小之竹多叢生水濱

爾雅卽存垂水之名舊說似未可從

葍數節郭云竹類也節間促楷案葍與艸通艸卽草艸字

經傳皆通作莽說文艸眾草也物眾必密此竹節多而密故以艸名焉

簡筴中郭云言其中空竹類郝懿行云說文筴析竹筴也筴竹膚也方言筴析也析竹謂之筴然則筴筴皆析竹之名筴簡字異音同析竹必須中空者因以爲竹名焉楷案郭以筴中爲徒中與堅中文法同故云然方言注筴猶徒也是其例釋文云筴郭音徒是也如郝說則筴中二字豈復可通

筴箭萌郭云筴

原誤萌從盧文弨山札記說訂正

筴屬也周禮曰筴菹鴈

醢楷案竹大箭小竹之萌曰筍箭之萌曰箎故上文云筍竹萌此又云箎箭萌也箎之言胎也釋姑胎始也郭注胚胎未成亦物之胎也說文筍竹胎也是筍本有胎稱箭萌曰箎正取胎義通稱之亦曰筍故郭云箎筍屬也

蔗蔗郭云蔗卽莓也今江東呼爲蔗莓郝懿行云李時珍本草云一種開小白華四月實熟其色紅如櫻桃卽爾雅所謂蔗者也楷案蔗與蔗皆因其華色名之也蔗卽从蔗蔗之言饜也玉篇饜白色下文焱蔗芳芳爲葦華葦華亦白也說文饜牛黃白色是饜亦以其白也

的藪郭云卽蓮實也郝懿行云藪卽覈也蓮實熟時堅覈卽本草石蓮子陶注云八九月采黑堅如石者楷案石蓮子與蓮實異物郭云卽蓮實其意蓋謂卽上文其中的之的不以爲石蓮子也郝欲附會堅覈之說故以石蓮爲解然非經注意矣的者白也舍人注釋畜的顙云的白也藪之言覈也亦言白也詩大車傳覈白也蓮實潔白故名的又名藪與

藁荇茶焱蘆芳郭云皆芳茶之別名邵晉涵云茶者茅秀也又謂之藁又謂之荇聲之遞轉也芳者葦類之秀又謂

之焱又謂之薦皆聲轉也楷案茶有數義茅秀爲茶萑秀亦爲茶此茶爲萑秀不當混茅秀爲一物邵說非也茶與芳皆鐵銳之義也茶之言捺也廣雅捺銳也廣韻作捺云銳也捺與捺並與茶通漢書禮樂志顏如茶顏師古注茶者今俗所謂兼錐也錐亦銳也

見說文

茅秀之名茶亦取鐵

銳義今俗謂之茅鍼鍼與錐同意茅鍼謂之茶兼錐亦謂之茶其義一也芳字又作苕釋文云或作苕苕之言鎔也方言錐謂之鎔郭彼注廣雅作鎔字今廣雅作鎔云錐也段氏說文注云其字从苕取其象苕秀也案鎔象苕則苕

亦象錯矣茗又與穎同意陸機文賦或茗發穎堅穎亦錐末之稱史記平原君傳穎脫而出是也是茶與芳皆鐵銳之義證也

蒹廉郭云似菴而細高數尺江東呼爲蒹薹楷案曰蒹曰騅曰蒹曰廉皆菴未秀之稱也未秀時細小故蒹之義取

諸剡騅之義取諸錐

詳釋言篇

皆以鐵銳爲名也蒹與廉亦取

鐵銳義高誘呂覽孟秋紀注廉利也凡物之銳者必利廉从廉卽廉利義也蒹从蒹廉亦从蒹則蒹之从蒹猶从廉也方言刈鉤自關而西或謂之鎌釋名鎌廉也體廉薄也

其所刈稍稍取之又似廉者也案鎌廉也謂鋒廉利也不
必如成國所說方言又云凡箭鏃胡合羸者四鎌郭彼注
鎌稜也鏃之利者謂之鎌鉤之利者謂之鎌草之利者謂
之兼與廉其義一也方言又云刈鉤江淮陳楚之間謂之
鉤說文鉤大鎌也鎌或謂之鉤然則兼之於茗又如鎌之
於鉤矣

滌郭云滌猶敷滌亦華之貌郝懿行云玉篇廣韻竝云蒨
葍花貌吳都賦異芩葍蒨劉逵注蒨葍華開貌李善注蒨
葍與敷滌同然則葍葍葍之異文滌省作葍葍省作蒨蒨

又敷之借聲也干寶注說卦傳震爲萋云萋爲花貌謂之
敷是也楷案郝申郭義是也敷滌疊韻字單言之曰敷曰
滌言敷如易說卦傳是也說文蓐華葉布蓐亦與敷同言
滌則此文是也劉逵吳都賦注綃者竹孚俞也漢瑟調曲
隴西行好婦出迎客顏色正敷愉方言怱愉悅也倒言之
曰愉鋪方言愉鋪毳也郭彼注謂物之扞蔽也皆形容之
辭與此同也

釋木

櫟榘郭云柚屬也子大如孟皮厚二三寸中似枳食之少

味楷案郭說非也椴木大木也說文椴木可作牀几華梁之木不中材用若柚屬豈可作牀几乎段玉裁云本草陶隱居說人參云高麗人作人參讚曰三極五葉背陽向陰欲來求我椴樹相尋椴樹葉似桐甚大陰廣是則椴爲大木故材可作牀几依段氏說是椴樹之形迥與柚殊且以名義求之亦當爲大木櫪之言廢也釋詁廢大也說文櫪海中大船也櫪亦與櫪音義近椴之言假也釋詁假大也大葵謂之葭大魚謂之鰕大鹿謂之麇大豕謂之豨大牛謂之犍大木謂之椴其義一也說文本爾雅椴字不與橘

柚類廁可知許解爾雅必不得以爲柚屬矣不知景純何所據而云爾當從段說爲允

時英梅郭云雀梅郝懿行云說文枏梅也爾雅英梅說文枏梅蓋非果類故南都賦枏栢櫨檀連言可知枏梅非果類矣要術引郭此注英梅未聞然則今注雀梅非郭語也稽案郝說本段氏說文注其說是也廣韻檜檜梅也今之雀梅是雀梅之說出於廣韻但此木究不知爲何物李善注南都賦未詳惟說文枏字下載一說云一曰江南檜材其實謂之枏語亦不僚余友周維楨云榮而不實者謂之

英英梅蓋不實之梅如今紅綠梅蠟梅之類存參

榎柜柳郭云未詳或曰柳當爲柳柜柳似柳皮可以煮作
飲楷案榎當作榎形近之誤說文柳榎梠本也梠卽柜是
許所據爾雅不誤惟以榎柜爲句柳爲句未是蓋柜柳雙
聲木名柜柳猶草名叩鉅也柜字不當連上讀榎卽枿欄
說文榎枿欄也是也郭引或說破柳爲柳甚爲紕繆然破
柳爲柳始以柜柳解之至玉篇廣韻乃竝云柳柜柳真可
粲

狄臧棹貢棊舍人本棹作臯樊本作楷郭云皆未詳楷案

依樊本是以狄臧爲一物楷貢棊爲一物玉篇楸臧棊也
廣韻同卽引此文則以狄臧棊爲一物貢棊爲一物兩讀
不同未知孰是

棧木桂郭云今江東呼桂厚皮者爲木桂楷案木字衍文
也凡木以木某爲名者必下一字非木名故加木字別之
如楸名木瓜檄櫨名木董之類是也否則但稱某木如棧
木名干木祝名州木之類是也桂本木名又名木桂以別
之斯無理矣木桂乃後世俗稱劉逵注吳都賦有此語非
雅書中所宜有也說文棧桂也五經文字同是兩家所據

本皆無木字廣韻侵部榎木名桂也侵部榎桂木花白亦曰桂曰桂木不云木桂

杜赤棠樊云赤者爲杜楷案杜之言赭也杜从土赭从者兩音相近詩鴟鴞徹彼桑土釋文引韓詩作杜字林作檇是其證說文赭赤土也

休無實李郭云一名趙李楷案無實李謂無核李也下文
接慮李郭注謂今之麥李類聚引廣志云麥李實似麥

粒細小有溝又駁赤李郭注謂子赤是則曰接慮
說詳王念孫廣

雅疏曰赤皆依子言不依樹言此無實亦同子之實卽核

也下文桃李醜核郭注子中有核人核爲假借字本作覈
周禮大司徒其植物宜覈物鄭注覈物李梅之屬說文覈
實也是覈可謂之實此實字正指覈耳本草別錄徐李生
太山之陰樹如李而小其實青色無核卽此物也

哲無實棗郭云不著子者郝懿行云晏子春秋所謂東海
有棗華而不實者也今樂陵棗無核非此楷案無實棗亦
無核棗也上文壺棗要棗白棗酸棗大棗苦棗亦皆依子
言此無實棗與之同也晏子所紀事本子虛晏子所謂佯
問者佯對之也郭郝兩說均不足據東山經云北號之山

有木狀如楊赤華其實如棗而無核其味酸甘食之不瘡
卽此類王士禎香祖筆記云卽吾鄉之虛中棗出青城縣
漢上林苑有柎棗見西京雜記東坡有與蒲傳正覓柿霜
無核棗帖見玉堂嘉話

還味棗郭云還味短味楷案郭以短釋還也方言臙短
也還與臙音義同

樸枹者孫云樸屬叢生謂之枹郭云樸屬叢生者爲枹詩
所謂棧樸枹櫟楷案枹櫟今詩晨風作苞櫟苞與枹同樸
與苞皆堅固之謂也攷工記欲其樸屬而微至鄭注樸屬

猶附著堅固貌是樸爲堅固之說也詩棫樸芄芄棫樸傳
樸枹木也鄭箋申之云白枹相樸屬而生證以攷工記注
則鄭意謂白枹之生旣芄芄然盛而其材又堅固也孔疏
引爾雅孫注以申之失其義矣方言樸聚也樸與樸別郭
彼注樸屬藜相著貌與此同誤苞者釋言云稭也攷工記
輪人稭理而堅鄭注稭致也致與緻同是苞爲堅固之說
也木之堅固者謂之苞故易否苞桑陸績注苞本也言其
堅固不亾詩鴉羽集于苞栩傳苞稭也箋稭者根相迫迮
捆致也斯干如竹苞矣傳苞本也陳奐疏以爲喻本根深

固也下文如竹箭曰苞卽本詩義言謂木之如竹箭堅固

者名苞也而說者亦或以叢生為說何其左乎

孫注釋言荀稷也云

物叢生曰苞齊人曰稷郭云今人呼物叢緻者為稷陸績注京氏易傳苞桑云苞桑則叢桑也郭注下文如竹箭曰

苞云篠竹性叢生

下文枹適木卽此所謂枹者也說文適迫也卽

鄭所謂根相迫迮捆致也本與魁癩異物而郭注誤合為

一亦以叢生解之云謂樹木叢生根枝節目盤結磈磊不

知此經之枹與諸經之苞竝無叢生義不識此解始於何

人而諸家皆隨波逐流不能辨正也

榆白枹孫云榆白者名枹郭云枹榆先生葉卻著莢皮色

白楷案粉榆二字互譌榆有二種赤者曰榆白者曰粉故
曰粉白榆若如今作則白者爲榆赤者爲粉文義相反矣
詩東門之粉傳粉白榆也所據爾雅不誤孫叔然已據誤
本故以榆白爲逗粉爲句曲爲之說然攷前後文例如釋
草之薜白蘄薺赤苗芑白苗蕒赤莧藪黃蔭釋蟲之蟬白
魚釋魚之鮒黑魴釋鳥之鷲白鷲釋獸之貊白豹彪白虎
虺黑虎貔白狐本篇之杜赤棠駁赤李檟白棗棧赤棟棧
白椶皆無以第二字爲逗者則其說未可從也鄭注內則
云榆白者粉此自爲說未必依據爾雅文孫以鄭君之注

說讀爾雅之誤文疏矣說文榆白粉誤同孫本玉篇粉白
榆也榆白粉也廣韻榆下引說文粉下云白榆木名皆牴
牾雜出諸家不知理董何哉

榮桐木郭云卽梧桐王引之云釋木所言灌木叢木鹿木
道木棧木干木皆泛言木之形狀非指一木以此例之榮
爲桐木亦是通稱非謂梧桐也桐之言童也小木之名也
淮南兵略篇曰夫以巨斧擊桐薪桐薪對巨斧蓋言其小
者也榮亦小木之名說文榮絕小水也營小聲也熒小瓜
也聲與榮並相近說文榮桐木也桐榮也則許君已誤以

桐木爲梧桐楷案淮南之桐薪猶詩之言棘薪栗薪穫薪
柞薪桑薪耳正指梧桐言非謂小木也上文輔小木則小
木名輔不名榮也桐之言通也茂木之名也漢書禮樂志
桐生茂豫靡有所訕顏師古注桐讀爲通茂豫美盛而光
悅也言草木皆通達而生美悅光澤各無所訕皆申遂也
此桐字讀如之榮亦茂木之名卽其本義故引申之爲榮
辱許君誤解爾雅郭沿其說王氏改讀桐爲童皆非也

檠桑山桑郭云似桑材中作弓及車轅楷案檠爲桑類則
桑爲大名檠爲小名然以山桑別其名則上桑字疑衍文

如栢山榎栲山樗不云栢榎山榎栲樗山樗也釋草葍山
韭等文例亦同上文榎桃山桃榎下桃字亦後人所增觀
李善注文選謝靈運酬從弟惠連詩引無桃字可見詩皇
矣傳說文玉篇廣韻五經文字並云檠山桑也是諸家所
據爾雅本皆無上桑字詩疏史記夏本紀索隱後漢書馬
融傳注並引爾雅亦無上桑字宜據刪

如木楸曰喬郭云楸樹性上竦楷案木楸二字不詞如槐
曰茂亦不云木槐也如竹箭曰苞如松柏曰茂皆兩物並
舉疑此亦其例木字蓋闕壞字

瓜曰華之郝懿行云華猶剝也蓋言析之而不絕也楷案郝說是也華與剝音相近今人猶謂以刀裂物爲華開

桃曰膽之楷案華亭雷補同云禮內則桃曰膽之鄭注謂治擇之名孔氏云去毛拭治令色青滑如膽夫如膽之說殊屬附會而拭治之義自無可易膽卽幟之假借說文幟拭也从巾戠聲巾所以拭物故幟字从巾今蘇俗刷塵之帚曰擔帚音轉如膽其實卽幟也幟與膽音相近

小枝上繚爲喬郭云謂細枝皆翹繚上句者名爲喬木楷案繚曲也故郭以上句言之喬兼高曲二義上文句如羽

喬上句曰喬言其曲也如木楸曰喬槐棘醜喬言其高也
此則兼兩義爲名廣雅賸驕也賸與繆通驕與喬通集韻
引埤蒼云賸細長也亦此經之義

釋蟲

蠶茅蜩郭云江東呼爲茅截似蟬而小青色楷案蠶之言
少也方言少小也說文鬣束髮少小也依廣韻引廣韻濺小灑
襪小衣鶴小雞竝與蠶音義同

蜺寒蜩郭云寒蠶也似蟬而小青赤楷案說文霓屈虹青
赤也青赤之虹謂之霓青赤之蟬謂之蜺其義一也

南菁札記

爾雅稗疏卷三

三

蝎蛄蝓郭云木中蠹蟲楷案卽下文之蝓蟻蝎蛄桑蠹也
說文蝓作蚘云蛄蚘也蛄蚘者象蟲屈曲之形也說文詘
詰詘也頤頭頤頤也語之曲曰詰詘頭之曲曰頤頤蟲之
曲曰蛄蚘其義一也

蝓蝓李云蝓蚘一名蝓蝓蝗子也郭云蝗子未有翅者
外傳曰蟲舍蝓蝓楷案春秋宣十五年冬蝓生漢書五行
志引董仲舒劉向說以爲蝗始生何注公羊謂卽蝓也杜
注左氏謂蝓子皆本董仲舒劉向說志又引劉歆說以爲
蚘蝓之有翼者食穀爲災然飛蝓不聞食穀孔沖遠已非

之說文所引劉歆說以爲蚍蜉子近之鄭注祭統陸彥之
醢云蚍蜉之屬卽本許所引劉歆說然蝗子爲一說蚍蜉
子爲一說皆與蝮蝮不相涉說文蝮復陶也劉歆說蝮蚍
蜉子董仲舒說蝗子也三說竝列不相幪混可證韋昭注
魯語蟲舍蝮蝮云蝮復陶也可食始誤以復陶爲蚍蜉子
李郭注此又誤以復陶爲蝗子郭引外傳爲證則又蚍蜉
子與蝗子不能分今以名義求之襄十二:left傳秦復陶
杜注秦所遺羽衣也又三十年傳使爲君復陶杜注復陶
主衣服之官是則復陶本羽衣之名故主衣服之官亦名

之此蟲名與羽衣名同是必非無羽翼者可知而蚘蜉子與蝗子之說可不辨而知其爲牽合矣玉篇蠖蟻也亦蝗子蠖與蟻同廣韻蟻名則上一說仍是劉歆說下一說仍是董仲舒等說然則蝮蝮之說諸書無徵當在闕疑之例不當牽合他說爲說也

蝮毛蠹郭云卽載楷案此蟲今俗謂之刺毛多在樹木上段氏說文注謂蝮能食木是也

蠖蛄蠶郭云載屬也今青州人呼載爲蛄蠶孫叔然云八角螿蟲失之楷案此蟲今俗謂之爛蟲多在菜葉及花果

樹上色青項上有八長豪如蝟磔人卽腫爛孫所說八角卽此也郭誤駁

翰天雞郭云小蟲黑身赤頭一名莎雞又曰樗雞楷案郭以莎雞爲天雞是也而又云樗雞則非辨已詳郝疏陸璣詩疏謂莎雞如蝗而班色毛翅數重其翅正赤是天雞者赤羽之蟲也釋鳥翰天雞郭注翰雞赤羽此蟲借其名說文無翰字釋文本作翰云字林作翰又云翰本又作翰是釋蟲釋鳥篇皆當作翰翰之言翰也說文翰赤色也赤羽之鳥謂之翰赤羽之蟲謂之翰其義一也

蟻蟻蟮蟮蟮蟮郭云蟻在糞土中蟮在木中今雖通名爲
蟮所在異郝懿行云蟮青黃色身短足長背有毛筋從
夏入秋蛻爲蟬蟮白色身長足短口黑無毛至春羽化
爲天牛楷案郝疏分別二物甚明蟮蟮蟮蟮皆雙聲字蟮
與蟮則皆因其色名之也蟮之言賁也色不純也呂覽壹
行篇孔子卜賁曰不吉子賁曰夫賁亦好矣何謂不吉孔
子曰白者白黑者黑夫賁又何好乎高誘注賁色不純也
是也易釋文引王肅注賁有文飾黃白色亦其義此蟲青
黃二色故以蟮爲名也蟮之言謁也謂色白也廣雅玉篇

並云蛄白也廣韻蛄白色是也土喪禮毘豆兩鄭注毘白

也釋草藹芑輿

從釋文說
刪車字

御覽引廣志謂白華竝與蛄音

義同詩碩人頷如螭螭傳螭螭蝮蟲也孔疏謂在木中白而長故以比頸是其義也

蠨蛸長踦郭云小籠籠長脚者俗呼爲喜子楷案蠨蛸長脚貌也說文櫛長木貌蠨與櫛音同釋木梢梢擢郭注謂木無枝柯梢擢長而殺者蛸亦與梢音同張衡西京賦飛罕肅箭薛綜注肅箭罕形也肅箭與蠨蛸語意相類

國貉蟲蠻郭云今呼蝻蟲爲蠻廣雅云土蝻蠻蟲楷案蟲

蠶不詞當作蠶蟲廣雅蠶蟲正本此

熒火卽炤舍人云熒火卽炤夜飛有火蟲也李云熒火夜
飛腹下如火光故曰卽炤楷案熒火小火也楚辭哀歲鬼
火兮熒熒王逸注熒熒小火也此蟲腹下有光如小火故
名熒火亦名卽炤釋文本熒作螢俗字

蠅烏蠅孫云蠅一名烏蠅郭云大蟲如指似蠶楷案此蟲
今俗謂之豆毒多在豆田中菜園亦有之說文蜀葵中蠅
葵卽謂菜也詩東山蝻蝻者蠅烝在桑野傳蠅桑蟲也此
說非是羅願爾雅翼云說文蜀葵中蟲也古人有言蓼蟲

不知徙乎葵菜葵菜之甘者也今蜀食葵之甘故其體肥
大亦食於蠶而不食桑詩乃稱烝在桑野者葵蠶之下乃
桑野之地也此說足正毛公之誤不以人廢言可也

蠨蠨孫云此蟲微細羣飛郭云小蟲似蚋喜亂飛楷案
史記司馬相如傳茂蒙踴躍集解引漢書音義云茂蒙飛
揚也素隱本作箴蒙引張揖云箴蒙飛揚也此蟲喜亂飛
故得蠨蠨之名與

王蚨蟬郭云卽螿蟬似龜龜在穴中有蓋今河北人呼蚨
蟬楷案此蟲今俗謂之麥駝子小兒以麥芒繫餌刺其穴

釣之謂之釣麥駝子

釋魚

鯉鱣鯢鮎鱧鮫舍人云鯉一名鱣鱧一名鮫孫云鯢鮎一
魚鱧鮫一魚郭云鯉今赤鯉魚鱣大魚似鱣而短鼻口在
頷下體有邪行甲無鱗肉黃大者長二三丈今江東呼爲
黃魚鯢今偃頷白魚鮎別名鯢江東通呼鮎爲鯢鱧鮎也
鮫今鱣魚似鱣而大楷案郭分六物與舍人叔然說異非
古義也近李惇羣經識小焦循毛詩補疏辨之已詳然爾
雅一書其釋蟲魚草木亦有二例有二名互釋者亦有單

舉一名者二名互釋則小名之下不復連舉其大名單舉一名則小名之下必連大名言之如釋蟲之言螟螣螻蝻釋鳥之言鷓雉鴉雉鷓雉釋獸之言鼯鼠十三鼠釋畜之言摩牛七牛皆是也若鯉鱸等爲六魚亦當云鯉魚鱸魚鰻魚鮎魚鱧魚鮐魚矣方與全書之例合此又可爲難郭者增多一義者也

鮒黑鮪郭云卽白鮪魚江東呼爲鮒楷案郭說非也說文鮪鮪魚也不云卽黑鮪玉篇鮒魚也或作鮪又云鮪魚名又云鮪黑鮪也亦不云卽白鮪且經言黑注言白名與實

相反矣不可通也廣韻尤部云鮪烏化爲魚頂上有細骨如禽毛是鮪魚非白鯧甚明又模部云鮪魚月令云九月有寒烏入水化爲鮪魚說與尤部合以兩說證之則鮪魚爲鮪魚矣鮪魚一切經音義引埤蒼云腹中有骨出南郡背有一骨闊二寸許有鬚甚長口中有墨噀則漢人陶注本草云是鸚烏所化其口腹猶相似腹中有墨能吸波瀼墨令水溷自衛皆其情狀也蓋鸚烏黑故化爲魚仍黑名黑鮪鮪魚乃黑鮪一聲之轉逸周書王會篇鯪魚之鮪鯪字今佚據書鈔引補孔晁注鮪魚名卽此物也郭注固誤

近俞樾說更謬不錄辨

鯨大鯛小者鮫郭云今青州呼小鱣為鮫楷案鯨之言堅

也長大之稱也逸周書諡法解堅長也長即大高誘呂覽任數篇注

長大也說文堅大貌賢大目也廣雅賢大也竝聲近而義同

鮫之言兌也細小之稱也釋名饋或曰兌上小下大兌兌

然也方言菟小也說文鮫小餒也杜注昭十六年左傳鮫

細小也顏師古急就篇注稅小杖也廣韻鮫細細集韻鮫

小祭也亦聲近而義同

鰲鯨郭云未詳邵晉涵云即鮫魚也郝懿行云廣韻鰲鯨

魚名鰻鯨卽鰻鯨本草別錄作鰻鯨楷案郝說是也鰻鯨
 雙聲鰻之名鯨猶藜之名萊玉篇廣韻竝云萊藜草是也
 別錄作鰻者鰻卽鰻之正字說文有鰻無鰻利聲麗聲通
 用書禹貢厥土青黎史記夏本紀作青驪卽其例魚名鯨
 又名鰻亦如馬名駮又名驪釋畜駮牝驪牝諸本皆誤作牝惟雪窗本
 不是也廣韻云鰻鯨別錄云鰻鯨則鯨又有鰻名說文鰻
 鰻魚也卽此鯨之爲鰻與萊之爲蔓華義又同說文萊蔓
 華也是也

魁陸郭云本草云魁狀如海蛤圓而厚外有理縱橫卽今

之蚶也楷案魁蛤爲大蛤郭云圓而厚魁陸卽取大與厚爲名也廣雅魁大也陸厚也是其義也

蚶蛭郭云未詳翟灝云釋蟲蛭蝮蚶郭氏定爲蝗子斯蚶亦斯物也嚴元照云蚶乃蛭字之譌說文蛭蛭鼃詹諸以脰鳴者此下卽係以鼃鼃詹諸故疑必蛭之誤明郎奎金鍾人傑刻本皆作蚶蛭未必無由楷案作蛭是也但非詹諸耳詹諸有蛭名無蚶名也蛭乃鮒之假音說文鮒魚也出樂浪番國一曰鮒出九江有兩乳一曰溥浮溥浮卽今之江豬蓋樂浪番國及九江皆有之故許君竝載其說文

選江賦魚則江豚海豨李善注引南越志云江豚似猪本草拾遺江純狀如純鼻中爲聲出沒水上舟人候之知大風雨皆此物也玉篇鮪鯀魚一名江豚欲風則踊何超晉書夏統傳音義引埤蒼云鮪鯀魚也一名江豚多膏少肉鮪鯀鮪鯀竝與溲浮同聲轉而爲奔鯀又爲鯀鮪西陽雜俎奔鯀一名溲大如船長二三丈色如鮎有兩乳在腹下頂上有孔通頭氣出嚇嚇作聲必大風行者以爲候御覽引魏武四時食制云鯀鮪魚黑色大如百斤豬黃肥不可食數枚相隨一浮一沈一名敷常見首出淮及五湖是

也名𧈧者卽借豕之名以爲名也釋獸豕絕有力𧈧𧈧與
𧈧同也

蝟蟬小者𧈧郭云螺屬見埤蒼楷案廣雅滑澤也蝟之爲
蟬猶滑之爲澤與廣韻𧈧小蟬小螺謂之𧈧猶小蟬謂之
𧈧與

後彘諸獵郭云甲後長郝懿行云獵之言捷也捷謂接續
此龜後甲長若後有接續也楷案說文獵長壯獵獵也引
春秋傳曰長獵者相之今昭七年左傳作獵廣雅獵長也
說文獵或作獵廣韻獵長毛釋畜獵牛郭注旄牛也髀膝

尾皆有長毛義竝與獵近文選景福殿賦獵捷相加李善注謂獵捷相接故郝云獵之言捷謂接續也廣韻礪嶢山之連接礪嶢與獵捷音義亦同也

二曰靈龜郭云涪陵郡出大龜甲可以卜緣中文似瑋瑁俗呼爲靈龜卽今蜃蠃龜一名靈蠃能鳴邢疏云龜之有靈次神龜者稽案邢說是也易頤舍爾靈龜史徵口訣義云靈龜謂神龜明兆之物是靈龜卽神龜之類尙書大傳龜之爲言久也千歲而靈禽獸而知吉凶者也是其義

三曰攝龜郭云小龜也腹甲曲折解能自張閉好食蛇江

東呼爲陵龜楷案郭說非也攝龜次於神龜靈龜則亦神靈之類也黃先生云神靈攝以氣言說最精塙史記龜策列傳南方老人用龜支牀足行二十餘歲老人死移牀龜尙生不死龜能行氣導引卽其類此龜能導引攝生故名之曰攝諸書載此事甚多不備引

四曰寶龜郭云書曰遺我大寶龜楷案寶龜大龜也寶與保同易繫辭傳大寶釋文引孟喜本作保是其證虞翻注漸象傳云保大也記樂記天子之寶龜也史記樂書作葆龜葆亦與保同書禹貢大龜詩泮水元龜皆寶龜類也黃

先生云說文云龜龜甲邊也天子龜巨龜尺有二寸諸侯尺大夫八寸士六寸漢志孟康注云并龜甲邊也巨至也度背兩邊緣尺二寸也則尺二寸之龜言其廣不言其修公羊傳云龜青純純卽緣樂記云青黑緣者天子之寶龜緣卽龜甲之龜龜以兩龜相距盈尺者爲寶諸侯用一尺龜故曰以龜爲寶天子龜長尺二寸大於諸侯故曰遺我大寶龜大夫八寸士六寸皆不盈尺故曰家不寶龜

五曰文龜郭云甲有文彩者河圖曰靈龜負書丹甲青文楷案郭所引河圖說乃靈龜之有文者當屬靈龜類蓋靈

可以兼文文不可以兼靈也郭注靈龜云陪陵郡出大龜緣中文似瑇瑁卽今背蠟劉逵注吳都賦云龜鼈龜屬也其形如笠四足縷胡無指其甲有黑珠文彩似瑇瑁可以飾物此則文龜之類

九曰水龜十曰火龜郭云此皆說龜生之處所火龜猶火鼠耳物有含異氣者不可以常理推然亦無所怪稽案郭意以山澤水火皆爲龜所生之處故因以爲名然龜本水物十龜中去笠龜山龜火龜類皆生於水安得水龜復占一類且澤龜與水龜又何所分別乎竊意水火二類當別

有說近閱稗史見毛祥麟墨餘錄載一事云上海城西顧某家畜一婢同治四年秋雨初霽婢於宅後溪中汲水獲一龜大如茶杯尾若葵扇入手時龜首仰上口吐火星如爆竹婢驚喜持入以告主母婦以爲怪叱使擲之觸石而火星復冒婦驚令棄諸廁欲厭勝之也後言於眾或曰此神物也爾雅云天下神龜有四各居其一其龜皆九尾居東方者能吐火得之家可致富今瀆如此恐獲天譴顧大悔使求諸廁則已無跡矣毛所引或說爾雅云云與經不合未知何本然龜能吐火亦是異事究未識卽爾雅之

火龜否姑錄之以備攷

爾雅釋疏卷三終

爾雅稗疏卷四

江陰繆楷嘯仙述

釋鳥

鵠鵠郭云今之野鵠楷案說文無鵠字云鵠鵠鵠也以
鵠爲逗鵠鵠爲句玉篇廣韻並云鵠鵠野鵠也並以鵠鵠
爲逗鵠爲句然鵠爲舒鴈之名不當與野鵠混稱當從許
讀

與鵠鵠郭云未詳翟灝云此鳥與鼠同穴因有與名後文
其鳥名鵠其鼠名鼯餘鵠字同鵠又其別名梁玉繩警記
云樊孫本與作鷲則卽鷲斯也楷案廣雅鷲雀怪鳥屬也

玉篇鷩鷩鷩又云鷩鷩鷩也又云鷩鷩鷩鳥喙蛇尾也廣韻鷩鷩鳥鳥喙蛇尾也參諸說似當以與鷩爲逗鷩爲句然張云怪鳥願云蛇尾鳥則非下文之鷩及鷩斯也

翰天雞樊云一名山雞郭云翰雞赤羽逸周書曰文翰若彩雞成王時蜀人獻之楷案翰當作翰釋文云本又作翰是也說文翰天雞也赤羽亦引逸周書又云翰雞肥翰音者也魯郊以丹雞祝曰以斯翰音赤羽去魯侯之咎是翰爲赤雞之名天雞字當作翰也翰與翰音義同翰之言翰也說文翰赤色也赤羽之雞謂之翰因之赤羽之鳥謂之

翰亦曰天雞且因之赤羽之蟲亦謂之翰亦曰天雞也樊
云山雞山雞卽鷺雉非天雞也

鴟鵂剖葦楷案廣雅螭蛄蛸螻也

方言作
蚘蛄

蟲名蛸螻鳥名

鴟鵂物異而名同

燕白脰烏楷案當作燕烏白脰燕本𪗇鳥不當與烏混稱
小爾雅白項而羣飛者謂之燕烏正本此又爾雅文法如
白州驪黑脣特等以形色別者皆不連大名言亦可證此
文之誤

鷓鴣鳥孫云鷓鴣水鳥郭云似雉青身白頭楷案此鳥今

俗謂之釣水白頭似雀而小郭云似雉則非水鳥之白頭鳥矣非也山堂肆考鳥有名白頭翁者形如鵲鴿其飛如燕之頡頏頭上有白毛身蒼色事物紺珠白頭翁似鵲鴿有三種一青白色一綠衣素襟頂毛圓白如小錢愛往來花間一純黑身紅足朱喙首白皆其情狀也名鷲者以其頭白稱之也鷲俗字當作胡釋文本正作胡僖二十二年左傳雖及胡耆杜注胡耆元老之稱頭白之人稱胡故頭白之鳥名胡與

翠鷓郭云似燕紺色生鬱林楷案紺者深青揚赤色也翠

羽青赤色故名鷓鴣之言喬也魏都賦喬雲翔龍劉逵注
喬雲者外赤內青也開元占經日占篇引石氏云氣青赤
曲向外中有一橫狀如帶鉤名爲璠說文蟻蟻也爾雅作
蛟云蟻蚌郭注甲蟲也大如虎豆綠色義並與鷓鴣近

鷓鴣白鷓郭云似鷹尾上白楷案鷓俗字當作楊廣雅楊揚
也楊爲鷹厥性飛揚故曰楊詩大明時維鷹揚傳謂鷹揚
如鷹之飛揚也是也白鷓猶言白骸也說文骸髀骨也王
冰素問骨空論注尾窮謂之極骨極與骸同

寇雉泆泆郭云卽鷓鴣也已詳上文楷案上言鷓鴣寇雉

下言秩秩海雉疑寇雉涉上文而誤衍泐泐涉下文而誤衍也

倉庚商庚郭云卽黼黃也毛奇齡續詩鳥傳名云黼黃黃鷦皆以一黃一黑爲名惟倉庚不可解舊注倉爲穀藏倉黃者穀熟之色則倉本黃色庚者更時之鳥也又作商庚商倉音譌楷案徧檢傳記無以倉作黃色解者毛說殊穿鑿郝疏謂黼黃言其色商庚象其聲近之

鷦諸雉郭云未詳或云卽今雉翟灝云此總釋諸雉下遂分列鷦雉鷦雉等名其鷦春鈕一句誤脫在此下耳梁玉

繩警記云此錯簡也鷓字在下文鷺春鋏之上黑爲鷓白
爲鷺也諸雉二字在下文鷓雉之上雉有數種故以諸雉
冠之楷案說文言雉有十四種盧諸雉亦其一是盧爲一
雉之名非凡雉皆名盧也鷺有白鷺朱鷺未聞有黑鷺爾
雅所釋亦無總冠都凡之例翟梁之說俱非也以名義求
之當爲黑雉黑弓曰盧弓書文侯之命盧弓黑橘曰盧橘
司馬相如上林賦盧橘黑犬曰盧犬孔叢子執節篇申叔
夏熟晉灼注盧黑也其形色而名焉惟韓盧朱鵲獨否
何也子順答曰盧黑色鵲白色皆其義夏小正元雉入
於淮爲蜃漢書平帝紀越裳重譯獻黑雉二卽此張揖上

林賦注鷓白雉白疑黑之誤

韃雉鷓雉郭云今白鷓也江東呼白韃亦名白雉楷案韃與鷓皆白色之稱也韃本訓爲山鵲見說文此字當作翰釋文云字又作翰是也記檀弓般人尙白戎事乘翰鄭注翰白色馬也引易曰白馬翰如是翰有白義也鷓之言卓也鷓俗字當作卓觀禮匹馬卓上鄭注卓猶的也以素的一馬以爲上是卓亦白義也西山經播豕之山多白翰翰卽韃故郭彼注白翰白鷓也亦名鷓雉與此注合也說文分爲二雉非是

釋獸

麋牡麇楷案物之牡者必大故牡者命名多取大義說文
麇大鼓也橐車上大橐牡麋之名麇亦以其大也

其子麋郭云國語曰獸長麇麇楷案麇俗字當作天淮南
本經訓剗胎殺天主術訓不取麇天高誘注並訓麋子是
也天爲少長之義書禹貢厥草惟夭傳少長曰夭釋文亦
云一曰少長曰麇也說文夭木少盛貌引詩桃之夭夭今
詩亦作夭草之少長謂之夭木之少長謂之夭麋之少長
謂之夭其義一也

絕有力麀楷案麀之言堅謂堅強有力也下文麀絕有力
麀與此同名同義故詩騶虞疏謂釋獸麀鹿皆云絕有力
者麀七月疏謂釋獸釋云鹿與麀皆云絕有力麀也說文
犴獍犬也一曰逐虎犬小爾雅豕之大者謂之犴狔犬之
絕有力者謂之犴豕之絕有力者謂之犴鹿之絕有力者
謂之麀其義一也今爾雅下文作麀絕有力犴廣韻引作
麀絕有力犴則犴犴麀三字通矣

兔子媿郭云俗呼曰媿楷案媿者媿之借字也釋文本正
作媿說文媿兔子也媿疾也通作媿說文媿生子齊均也

卽此媿字又通作媿方言媿耦也郭彼注一作媿玉燭寶
典二引倉頡篇云媿子出媿媿媿皆同媿媿之言免也新
生弱小之稱也記內則免薨鄭注免新生者大戴禮公冠
篇推遠稚免之幼子盧辨注免猶弱也文選思元賦舊注
引纂要云齊人謂生子曰媿皆其說也

豕子豬郭云今亦曰彘江東呼豨皆通名楷案說文豬豕
而三毛叢居者三毛叢居謂一孔生三毛也是豬與諸音
同爲叢聚義史記夏本紀彭蠡旣都索隱都古文尙書作
豬鄭元云南方謂都爲豬則是水聚會之義此正借豬字

本義用之又下文云豕生三縱說文謂一歲曰縱尙叢聚也是縱亦取叢聚義初學記引纂文云齊徐以小豬爲獾玉篇獾小母豬獾亦从聚字也豕生子最繁多故其子曰豬曰縱曰獾皆以聚爲名也

獾豨幺幼郭云俗呼小豨豬爲獾子最後生者俗呼爲幺豚楷案四字與上豬字並列皆豕子之名下文三縱二師一特又釋多少之異名郭以獾豨爲一物幺幼爲一物非也獾者郭注釋草蒞莽云今俗呼草木華初生者爲莽音獾豬是獾與莽音同音同者義卽通華之初生者謂之莽

豕之初生者謂之豨其義一也說文鱗魚子已生者魚之子名鱗故豕之子亦名豨也詩般傳墮山之墮墮小者也顏師古急就篇注槽小桶也亦與豨音義近豨者易大畜積豕之牙牙當從鄭讀爲互與童牛之告語意同是童牛爲小牛豨豕爲小豕也釋草廣臬實孫注廣麻子也豕之子爲豨猶麻之子爲廣矣幺幼義習見不贅

絕有力麤釋文云麤本或作獾同五咸反楷案廣雅威健也麤與獾並與威音義同故熊虎之絕有力者名之也

獬白狐其子穀舍人云獬名白狐其子名穀楷案說文穀

小豚也穀爲豕子之名而貔之子亦名穀者猶狗爲犬子而熊虎之子亦名狗皆以小義稱之也說文穀鳥子生哺者莊子駢拇篇臧與穀二人釋文引崔譔本穀作穀云孺子曰穀廣雅穀雛也並與穀音義同

麕大羊郭云麕羊似羊而大角圓銳好在山崖閒楷案麕从需需與靈通詩靈雨石鼓文作需是也又與令通說文幹司馬相如說作羈是也需靈令三字通故麕羊字後漢書作靈廣韻作羈本草作羴廣雅作冷需靈令俱訓善釋詁令善也廣雅需善爲大桑柔箋善猶大也故爲大羊之名釋草需

令也靈善也

善爲大

桑柔箋善猶大也

故爲大羊之名釋草需

大苦名義相同矣

麇大麇釋文云麇音京本或作麇同楷案𦉳聲與京聲相通故陸氏云云說文麇大鹿也或作麇又云鯨海大魚也或作鯨麇之通作麇猶鱣之通作鯨也麇从𦉳𦉳之言彊也謂彊勅有力也西山經英山其上多柎檣郭注檣木中車材則檣木大木也說文犗牛長脊也則犗牛大牛也麇从京釋詁京大也文選羽獵賦騎京魚李善注京魚大魚也字或爲鯨鯨亦大魚也大魚謂之鯨字通作鱣與大麇謂之麇字通作麇其義同也

彙毛刺郭云今蝟狀似鼠楷案此獸吾邑俗謂之偷瓜狢
狢語載江陰縣志彙與狢一聲之轉以其善盜瓜故有偷
瓜之名矣謂之彙者王念孫云以其毛刺外向有椽彙也
孫注櫟其實椽云有椽彙自襄義通於此矣是也

威夷長脊而泥郭云泥少才力錢大昕云泥當爲鬪聲相
近而借用也說文鬪智少力劣也漢書或作茶古音爾與
尼相近邵晉涵云說文委虬虎之有角者也威夷卽委虬
廣韻虬似虎有角好行水中郝懿行云釋文泥奴細反依
廣韻則泥應讀如字楷案錢說是也如廣韻說則經文但

言泥字文不成義以義求之威夷非卽委虜也易林大壯
之鼎長尾委蛇李善文選南都賦注委蛇長貌傅毅舞賦
螭蛇娉嫋今案委蛇螭蛇並與威夷同螭蛇與娉嫋連文
是威夷之命名實兼長脊與泥之義並非似虎有角者但
未識於今何物莊子達生篇食之以委蛇釋文引司馬彪
注委蛇泥鱮泥鱮亦長脊而泥者魚之長脊而泥者謂之
委蛇獸之長脊而泥者謂之威夷其義同矣

虞迅頭郭云今建平山中有虞大如狗似獼猴黃黑色多
鬣鬣好奮迅其頭能舉石擲人獼類也楷案郭所說名義

皆非也此篇文例與他篇異故釋名之後兼釋其形又釋其性釋其形如修豪長脊短脰叩鼻之類是也釋其性如登木乘領善顧好嘯之類是也此云迅頭乃釋其形非釋其性郭乃以奮迅其頭解之左矣郭旣以迅頭爲奮迅其頭故不得不以似獼猴之獸爲說然如其說則西山經稱崇吾之山有獸如禺而文臂善投名曰舉父卽此獸是此獸名舉父不名虞也竊謂迅當讀如巖峻之峻釋詁駿速也郭注駿猶迅也又迅疾也釋文信峻二音上文絕有力迅釋文音信又音峻是迅峻二字可通之證峻高大也峻

頭謂頭高大也康字从豕當是豕類說文引司馬相如說
康封豕之屬玉篇亦云封康豕屬也封豕頭大故云峻頭
文選上林賦射游梟櫟蜚遽李善注引高誘淮南子注梟
羊山精也似遽類案梟羊似遽則遽必似梟羊然則遽卽
是康其說亦與說文玉篇合以彼爲證亦非似獼猴之獸
明矣 又案康爲猛獸故鐘之柎刻以爲飾其名曰鑠鑠
字从金从康會意莊子達生篇削木爲鑠釋文引司馬彪
注鑠樂器也似夾鐘 案似當作以段玉裁云廣韻引埤蒼
鑠樂器以夾鐘今本作形似夾鐘非
是誤正周禮典庸器鄭注橫者爲筍從者爲鑠是也說文
與此同

虞鐘鼓之柎也飾爲猛獸从虍畀象形其下足又云鑠或从金虞又云虞篆文虞許以虞爲篆文則虞與鑠皆爲古文可知許以虞爲象形於鑠云从金虞不言虞聲則鑠爲形聲而兼會意又可知攷工記梓人云羸屬恆有力而不能走其聲大而宏若是者以爲鐘虞鄭注羸者謂虎豹貔螭爲獸淺毛者之屬虞爲封豕豕身胖大正有力而不能走之物與記所言合鄭云之屬固略舉以該其餘之辭許云飾以猛獸亦渾括諸猛獸在內非謂虞不在其列也自後人創爲虞爲神獸之說如張揖上林賦注

賦云櫟蜚遽注蜚遽天上

神獸也鹿頭而龍身又云立萬石之顏師古漢書郊祀志
虞注虞獸重百二十萬斤以俠鐘旁

注云虞神獸名也懸鐘之木李賢後漢書董卓傳注云前
刻飾為之因名曰虞也

義云虞鹿頭廣韻八語云飛虞天上神獸也鹿
龍身神獸也頭龍身引說文云云所稱皆是

然語涉荒誕全非古義等諸齊諧之志怪可矣

時善乘領郭云好登山峰邢疏云好登山峰之一獸也楷

案注疏訓善為好以好登山峰解善乘領是以時為逗善

乘領為句近吳世旃廣廣事類賦云時善好登自注爾雅

時善乘領時善好登山峰之一獸也誤以時善為逗乘領

為句與善登木善援善願等文例不合當從注疏為允但

時爲何獸則俱未能詳疑時者是之借是者猓之省玉篇
猓犬也其字與猓字類廁此經亦文承雌字下當是野犬
類似猿猓而捷黠者故性能乘領與惜其詳不可得聞也
闕洩多狃郭云說者云脚饒指未詳張照爾雅注疏攷證
云洩與溲同猩猩有牝無牡故云闕洩伏行交足故云多
狃非別有獸也當連猩猩小而好嘔讀楷案郭引或說訓
多狃爲饒指蓋據上文其迹公釋文引字林或作狃公狃
相通言然說文訓公爲獸足蹂地非指蹂地之獸足爲公
也其說非是張氏攷證說又附會闕洩字義連上猩猩讀

更屬憑臆竊謂洩與泄同故釋文本作泄闕从歛聲與厥
从歛聲同厥通蹶左傳蹶由漢書古今人表作厥由是其
證說文蹶或从闕作蹶則闕亦與蹶通是闕洩猶蹶泄矣
釋木蹶泄苦棗郝疏謂今登萊人謂物之短尾者爲蹶泄
音若厥雪是蹶泄二字乃疊韻形容字與威夷字同短尾
雖今之方言亦必相傳自古方言蹶短也郭注蹶蹶短小
貌廣韻偏蹶短貌疑皆蹶泄之異文說文狃狎也依桓二
年左傳
疏引詩大叔于田傳狃習也然則此獸蓋尾短而性狎習者
故名闕洩又名多狃與

鼯鼠鼯鼠郭云鼯鼠地中行者鼯鼠以頰裹藏食龍啟瑞
爾雅經注集證云所舉鼠名皆上下互釋故字林云鼯鼠
卽鼯鼠也以豹文屬鼯鼠則上下六鼠適得其均於全書
之例方合楷案龍氏不明爾雅之例其說非也說詳釋魚
篇

鼯鼠郭云有螫毒者徐孚吉云鼯之言奚也弱小之稱也
文選答客難注引鼯作奚唐書李賀傳從小奚奴謂小僮
也說文猥生三月豚謂小豬也釋蟲蟻蟻郝疏其色青碧
形小修長謂小蟬也又螫蚤蟻蛭郭注今呼似蜈蚣而細

長飛翅作聲者為蟻蚋謂小蝗也凡从奚聲字多有幼小

義楷案徐說是也从奚聲字多有小義故谿者小穴也素問

氣穴論內之雞者小畜也漢書五行志騃者小馬也說文驪騃

野馬屬張揖子虛賦注野馬似馬而小騃者小畜也廣韻騃此鼠至小亦得

鼯名釋文引博物志云鼠之最小者或謂之耳鼠是也

人曰橋郭云頻伸天橋楷案頻伸天橋今俗謂之伸懶腰

經典單謂之伸儀禮士相見禮記曲禮少儀內則並云欠

伸鄭注相見禮云志倦則欠體倦則伸是也或謂之頻伸

鄭注少儀云伸頻伸也淮南精神訓熊經鳥伸高誘注亦

云伸頰伸也是也通作頰呻華嚴經師子頰呻音義云毛
詩傳頰急也伸舒也謂有勞倦者以手足胷背左右上下
或急弩或舒展用自解其勞倦是也天橋亦作天蟠司馬
相如上林賦天蟠枝格郭彼注天蟠頰伸也是也邵郝二
疏申郭注俱未詳明

魚曰須郭云鼓頤須息楷案須與胷通詩桑扈疏胷須古
今字耳是其說釋名蟹胷取蟹藏之使骨肉解胷胷然也
是胷爲形容之辭此須字讀如之蓋狀其掉尾揚鬣之致
也

釋畜

騶駼馬野馬郭云山海經云北海有獸狀如馬名騶駼色青野馬如馬而小出塞外潘衍桐爾雅正郭云郭注本衍馬字誤分二條舊本當作騶駼野馬合爲一條楷案爾雅有單舉例有互釋例單舉則小名之下必連大名言之互釋則否若云騶駼馬則爲單舉例然騶駼實卽野馬而野馬又非一品不當別騶駼於野馬外而又泛以野馬爲釋依義求之潘說是也釋文引字林云騶駼一曰野馬也漢書百官表騶駼承華如氏注騶駼野馬也淮南主術訓騎

駟馬而服駒駮高誘注駒駮野馬也皆以野馬釋駒駮其
讀爾雅皆合爲一條義勝於郭逸周書王會篇駒駮與野
馬並稱子虛賦軼野馬而轉駒駮亦分二物皆郭注所本
然與爾雅正名之例不合矣顏師古百官表注駒駮出海
中其狀如馬非野馬也亦顯與雅義違

駮如馬倨牙食虎豹舍人云駮多力獸也郭云山海經云
有獸名駮如白馬黑尾倨牙音如鼓食虎豹楷案此釋獸
文錯簡在此釋獸篇嵩如馬與此皆獸之似馬者非真馬
也嵩如馬在釋獸篇則駮如馬亦在釋獸篇明矣且文法

亦類彼篇而不類本篇觀舍人注則所據本似猶未誤
駢蹄𨔵善陞𨔵舍人云駢蹄者溷蹄也研平也謂蹄平正
李云駢者其蹄正堅而平似研也孫云駢蹄之馬蹄平如
研而善升山𨔵者郭云駢蹄蹄如研而健上山秦時有駢
蹄苑楷案𨔵當作研𨔵者研之假音也但李以駢爲逗蹄
研爲逗與舍人孫郭以駢蹄爲逗研爲逗者不同依義求
之李說是也駢者舉其名蹄研者釋其形善陞𨔵者詳其
性若以駢蹄爲逗則研字不成義矣秦時割駢蹄二字爲
苑名此李斯等不學無術之過句讀之不明宜其起而焚

書也乃後世不加駁正反沿襲之至漢時猶有昆蹏令丞
見漢書百官表應劭注謂昆蹏好馬名也如氏注謂爾雅
曰昆蹏研善升廐者也因以爲廐名後漢書馬融傳絹猥
蹏李賢注猥蹏野馬也爾雅曰猥蹏研善升廐玉篇蹏蹏
馬名秦有蹏蹄苑皆習非勝是而不知省悟者也惟顏師
古百官表注云昆獸名也蹏研者謂其蹏下平也李注而
外得此一說可謂崑山之片玉矣

絕有力駮郭云卽馬高八尺楷案當與高八尺者名同而
義別非卽一物也下文牛黑脣犝牛七尺爲犝亦名同而

義別者與此一例駮之言戎也釋詁戎大也言其氣力壯大也馬之絕有力者不必盡高八尺而高八尺者則必有力故八尺可兼駮名而絕有力者不得謂之卽高八尺也周禮馬質馬量三物一曰戎馬二曰田馬三曰駮馬校人辨六馬之物種馬一物戎馬一物齊馬一物道馬一物田馬一物駮馬一物所言戎馬卽此絕有力者非謂高八尺之馬亦非謂兵車之馬也

前足皆白駮舍人本駮作雞釋文云駮音奚郭又音雞楷案駮奚雞三字通李善文選赭白馬賦注引劉邵趙都賦

云良馬則飛兔奚斯類聚引六韜云太公與散宜生得犬戎氏文馬毫毛朱鬣目如黃金名雞斯之乘奚斯與雞斯同皆卽此所謂駉也斯語辭猶螽斯駉斯之例耳魯公子奚斯字子魚下文二目白魚皆以馬爲名也

前右足白啟郭云左傳曰啟服楷案釋名白啟也如冰啟時色也此啟字卽其義

左白蹄郭云前左腳白楷案方言凡全物而體不具梁楚之間謂之蹄雍梁之西郊凡畧支體不具者謂之蹄此馬名蹄蓋取色不具義

駟馬白腹駟郭云駟赤色黑鬣楷案駟之言縹也說文縹
帛赤黃色也縹有赤黃二義故赤馬白腹黃馬白腹均謂
之駟淮南主術訓乘駟馬高誘注黃馬白腹曰駟是也郝
疏以高注黃字爲赤字之誤非

驪馬白跨驪郭云跨髀間楷案此因白色所在而名之也
說文窻空也驪與窻音同兩髀間正當空處也

尾本白驥郭云尾株白楷案釋魚鰓郭注今偃額白魚驥
與鰓音同

駒頰白頰舍人云的白也頰額也頰有白毛今之戴星馬

也檔案駒舍人本作的是也的顙後世謂之的盧蜀志注
引世語云先主騎的盧走渡襄陽城西檀溪水中溺不得
出備急曰的盧今日厄矣可努力的盧乃一躍三丈遂得
過是也盧與顙同的盧猶的顙也楊慎外集說則謂卽穆
王八駿中之山子云山子今之五明馬又名玉頂又名叱
撥又名玉抱肚又名花抱肚太白詩所謂五花馬也古以
爲奇今以爲忌曰破面孤蹄鬼也不騎劉先主之的盧亦
是此種未知是否

白達素縣郭云素鼻莖也俗所謂漫醴徹齒邢疏云素鼻

莖也其白自額下達鼻莖者名縣邵晉涵云馬之鼻莖白者名曰達亦謂之素縣郝懿行云馬之鼻莖白者名曰達一名素縣說文頰鼻莖也頰烏割切與達音近然則白達卽白頰也楷案句讀當從郝但以達爲頰之音近亦非也達當爲邊之誤字說文頰或體作𦏧爾雅蓋假邊爲𦏧因與達形近而誤耳

而頰皆白惟駝王引之云駝者白色也故鷗之白者謂之鷗鷗楷案王說是也老人曰厖厖皓首皓白也厖亦白也說文塗塗也塗卽釋宮所謂牆謂之堊堊者說文云白塗

也是鳩厖塗並與駮音義同也

在肘後減陽在幹第方在背闕廣郭云皆別旋毛所在之名郝懿行云減陽第方闕廣語俱相韻自郭氏已不知其義無以言焉楷案減陽第方闕廣皆雙聲字減陽語義無徵既夕禮商祝執功布入鄭注執之以接神爲有所拂扞也拂扞與第方語意同闕廣通作決驥廣韻唐部云決驥馬旋毛在脊也是又作駮驥屑部引爾雅作駮驥云亦作闕廣是駮驥與闕廣同說文有駮無驥詩采芣傳駮驥疆也五經文字大部有獮字云見爾雅嚴元照謂疑此廣有

从犬者案嚴說是也李賢後漢書光武紀注獷猛貌獷與
驥同是駢驥二字皆彊猛之義又通作猳獷獷吳都賦
狂趨獷猳李善注獷字引說文獷字犬獷不可附也爲說
又云猳壯勇之貌是獷猳獷猳並與駢驥同但倒言之耳
逆毛居駢郭云馬毛逆刺楷案玉篇廣韻並云駢馬逆毛
也釋文引字林同皆本爾雅疑居字衍

駢白駁舍人云駢赤色名曰駁也楷案駢白者謂駢馬而
發白色也李善注文選赭白馬賦引劉芳毛詩義證云彤
白雜毛曰駁非是彤白雜毛者名駮不名駁也郭注駮字

云卽今之赭白馬是也爾雅言雜毛與不言雜毛有別
青驪駟詩有駮疏引孫云色青黑之間邢疏引孫云青毛
黑毛相雜者名駟今之駮驄也楷案孫注孔邢兩疏所引
不同以義言之則孔引是也青驪者謂青色中發黑色也
若青黑毛相雜則當云青驪雜毛矣駟之言稱也說文稱
麥莖也麥莖色亦青中發黑說文又云絹繒如麥莖色繒
如麥莖色謂之絹馬如麥莖色謂之稍其義一也

陰白雜毛駟孫云陰淺黑也郭同楷案陰非色名當讀如
黯說文黯深黑也古从音从衤字多通用喪服四制諒闇

論語作諒陰是其例孫郭並訓淺黑者蓋別於驪白雜毛也上文驪白雜毛爲深黑則此陰白雜毛爲淺黑矣駟之言驪也廣韻引字林云驪黑色也

白馬黑鬣駱郭云禮記曰夏后氏駱馬黑鬣王引之云駱者白色之名也駱之命名主乎白而不主乎黑故廣雅白馬朱鬣亦謂之駱月令秋乘白駱猶赤駟之駟爲赤色駢驪之驪爲黑色也故明堂位又言駱馬黑鬣駱與黑對文則駱爲白矣楷案王說是也凡與駱同音字皆有白義穆天子傳有皎者駱郭注皎白貌是鳥之白也陸璣詩疏鮪

鮪一名鮨肉色白是魚之白也方言蝤蛸梁益之間謂之
蝤蛸蝤即蝤蛸詩碩人疏謂在木中白而長是蟲之白也
廣雅絡綃也玉篇綃素也說文素白致縉也是絲之白也
詩駟有驪有駱有駟有雒傳白馬黑鬣曰駱黑身白鬣曰
雒雒亦與駱同故釋文云本或作駱同疏云定本集注及
徐音皆作駱字黑身白鬣曰駱駱又主鬣鬣名之也

白馬黑脣駘黑喙駘孫本駘作駘云與牛同稱郭云今之
淺黃色者爲駘馬郝懿行云駘孫本作駘是也但以詩傳
黃牛黑脣曰駘推之則此白馬疑黃馬之誤證以下句黑

喙駟說文及詩小戎傳並云黃馬黑喙與黃牛黑脣其例
正同益知白馬必黃馬之誤矣楷案郝氏訂駘爲特訂白
馬爲黃馬皆是也但黑喙上亦脫黃馬二字郭云今之淺
黃色正據經文言嚴元照謂黃馬蒙二種然上文青驪駟
青驪駟驪青驪繁鬣駟不蒙其例可援證矣

犝牛郭云今無角牛郝懿行云大者名犝小者名童童當
作僮俗从牛作犝牛耳郭注似失之楷案郝以童爲僮穉
故以大犝小童爲解然僮穉之牛無角凡牛皆然不獨犝
牛也後漢書西南夷傳有旄牛無角一名童牛肉重千斤

毛可爲眊寢字記旄牛無角一曰童牛重千斤旄牛卽犛
牛皆不言其小也然則犛與犛之分在乎角之有與無不
在乎形之大與小矣釋名山無草木曰童又云羊之無角
者曰童此犛字音義同郭說不誤

犛牛郭云未詳洪頤煊讀書叢錄云犛當作犛說文犛牛
羊無子也讀若糗糧之糗卽此牛楷案無子之牛不得別
爲一類洪說非也犛疑卽釋獸鼠身長須而賊之鼯鼯與
犛同陶注本草謂之鼯鼠金樓子謂之偃牛偃與鼯同以
其爲鼠類故曰鼠以其爲牛形故曰牛犛牛之稱蓋亦同

此而昊字之从牛从鼠與釋獸釋畜之兩載均此例矣
角一俯一仰觭郭云牛角低仰楷案觭者偏倚之意也說
文倚偏引也成二年公羊傳相與踦閭而語何休注門閉
一扇開一扇一人在外一人在內曰踦閭義並與觭同
體長牯郭云長身者楷案牯之言牾也說文牾草木盛牾
牾然也牾然謂長大也釋天緇廣充幅長尋曰旒繼旒
曰旒則旒亦取長義也故詩生民荏苒旒旒傳謂旒旒然
長也

犬生三獫狁云此與豬生子義同楷案說文無獫字卽獫

字故釋文云本亦作豸郭亦云與豬生子義同也釋獸豸
生三豸豸生三子謂之豸犬生三子亦謂之豸借豸子之
名以爲名猶犬之子名狗熊虎之子亦名狗豸之子名穀
豸之子亦名穀也顏氏家訓書證篇引延篤戰國策音義
云從牛子朱駿聲以爲卽豸字之假借然則豸之子爲豸
犬之子亦爲豸牛之子亦爲豸其義並同矣玉篇猥犬生
三子也猥犬生三子也猥犬生三子猥與猥皆猥字之誤
又云豸猥二同犬生一子又皆豸字之俗體而三子誤爲
一子也

牛七尺爲犗邢疏云尸子曰大牛爲犗七尺楷案方言敦大也韋昭鄭語注洎大也並與犗音相近高誘淮南兵略訓注鎛大鐘也與大牛名犗同義

羊六尺爲羝郭云尸子曰大羊爲羝六尺者楷案釋獸熊虎醜絕有力麇羝與麇同故釋文云本亦作麇釋草歲馬藍郭注今大葉冬藍大羊謂之羝又如大葉之藍謂之歲矣

雞三尺爲鷩郭云陽溝巨鷩古之名雞楷案說文暉大口也暉大目出也翬大飛也釋器釋文引埤蒼云緝大束也

曹大家幽通賦注渾大也義並與鷦同大雉爲鷦因之大
鳥亦爲鷦張衡西京賦翔鷦仰而不逮薛綜注鷦大鳥是
也

爾雅稗疏卷四終